

❖ YSBRYD Y NADOLIG

Tôn: 'Wele Gwawriodd' (Trefniant Alun Davies)

Pan fydd ysbryd y Nadolig
 Yn ymledu dros y tir,
 Clywir clychau eto'n canu
 Ac yn seinio neges glir
 Am y geni yn y preseb
 Draw yn ninas Bethlehem,
 Mair yn suo'r Baban annwyl
 Oedd â'r dwyfol yn ei drem.

Cofir am y llu angylion
 Â Newyddion Da y nos
 Yn ymweled â'r bugeiliaid
 Wrth y gorlan ar y rhos;
 Hwythau'n mynd at wyrth yr oesau
 Yn y beudy yn y dref,
 Cyn dychwelyd at y preiddiau
 Â llawenydd yn eu llef.

Cofir am y seren ryfedd,
 A'i goleuni'n arwain tri
 O frenhinoedd at y Brenin
 Sy'n rhoi hedd i'n daear ni;
 Daethant ato ef â rhoddion,
 Aur a thus a myrr yn rhad,
 Yna troi ar hyd ffordd arall
 I genhadu yn eu gwlad.

Mae yr ŵyl o hyd yn dangos
 Y Goleuni gwir i'r byd,
 Gan ein tywys o'r tywyllwch
 At y Baban yn ei grud;
 Yno ganwyd ein Gwardwr
 Yn ôl hen addewid Duw;
 Rhoddwn iddo y gogoniant
 Am ei ddod i'n plith i fyw.

D. J. Thomas